

लहना

व्यावसायिक पत्रकारिता, थौंया आवश्यकता

LAHANA WEEKLY

वा:पौ

साःगु भिंगु मरिचरिया निति
लुमंका दिसँ ।



लक्ष्मण गजाल 'चिलमि'
प्रोप्राइटर
लाखा छँ
LAKHA CHHEN

सोह्रखुटे, वडा नं. १६, यँ, फोन नं.: ८३६०७५८

थुकि दुने

जम्बो मन्त्रीमण्डल व देउवाया नियति
सानुराजा शाक्य

- २



भाषानिभाः कसाःया हुलाक टिकट
पिथनेत मोहन दाइया कुतः
राजा शाक्य

- ३

श्रद्धाया लुमन्ति स्वां
अपर्णा प्रधान

- ३

सिच्छिब्व पूर्वगु "इयाइ, सन् एण्ड मम्"
विजयरत्न असंबरे

- ६



नेवाः राष्ट्रिय दबूया
न्याक्वःगु दैमुँज्या
(पेज ४-५)

२ गतेया चुनाव लिपा छु जुइ ?

चुनावं संविधान संशोधनया सवालया जनमत संग्रहया रुप

लहना संवाददाता

वइगु असोज २ गते स्थानीय तहया चुनाव प्रदेश नम्बर २ लागाय् जूवनाचवंगु दुसा उगु चुनावलिपा मुलुकय् छु जुइ धकाः चासो तयाचवंगु दु। न्ह्युगु संविधान जारी जुइ धुकाः स्थानीय तहया चुनावया भूवलया स्वंगुगु चरणया चुनाव कथं मधेसीतयगु बाहुल्यता दुगु प्रदेश नम्बर २ सं चुनावय् थःथःपिं त्याकेगु निति प्रमुख राजनीतिक दलनिसं मधेसवादी दलत तर्क क्रियाशिल जुयाचवंगु दु। चुनावय् थःथःगु पार्टीया उम्मेदवार घोषणा यायगु तयारी जुयाचवंगु जूसां न अन्ततः २ नम्बर प्रदेशय् दक्कले अप्वः राजनीतिक पार्टीतयगु दथुइ तालमेल जुइगु अवस्था दु। कांग्रेस, माओवादी केन्द्र, राष्ट्रिय जनता पार्टी, संघीय समाजवादी फोरम लगायतया दलतयसं थःथःगु अनुकूल कथं तालमेल यायगु तयारी यानाचवंगु दु। अथे हे नयाँ शक्ति नेपाल न आः वया राष्ट्रिय जनमोर्चासिसे तालमेल यायगु रणनीति ज्वंगु दु। एमाले धाःसा माले नापं मेमेगु दलतलिसे जाना एकता यायगु कुतः यानाचवंगु दु। अन्तिम इलय् वया एमाले, राजमो, राप्रपा, नयाँ शक्ति, माले तालमेल जुइगु अले कांग्रेस, माओवादी केन्द्र, राजपा, ससफो, राजपा प्रजातान्त्रिकया दथुइ तालमेल जुइगु अवस्था दु।

थुगु ल्याखं स्वल धाःसा संविधान

संशोधन, पहिचान नापं संघीयताया सवालया गुगु कथं निगू धुबय् राजनीतिक दलत धुविकरण जुगु खः उगु हे कथं २ नम्बर प्रदेशया चुनावय् न तालमेल जूवनाचवंगु दु। उर्क आः संविधान संशोधन, पहिचानया आधारय् संघीयताया पक्ष व उर्किया विपक्षया छगू कथं जनमत

निर्वाचनया लिचःया आधारय् हे एमाले संविधान संशोधन, पहिचानया सवालया न्ह्युगु नीति ज्वनी। चुनावय् त्यात धाःसा संविधान संशोधनया विपक्षय् एमाले दनी अले बुत धाःसा संविधान संशोधनया सवालयात कया विपक्षय् दनेत थाकुइगु अवस्था वइ।

जुइगु अवस्था दु धाःसां छु पाइमुख। वइगु २ गते जूवनाचवंगु चुनाव धइगु मधेसी जनताया जनमत जक मखु मुलुकया हे जनमत संग्रह थें जूवनाचवंगु दु। यदि आः २ नम्बर प्रदेशय् न एमाले हे त्यात धाःसा मुलुकय् संविधान संशोधनया पक्षय् जनमत मदु धकाः मनूतयसं थुइकी। अले एमाले बुत धाःसा उर्क संविधान संशोधनया पक्षय् वनीपनिगु निति लैगु चाला वनी। अथे हे २ नम्बर प्रदेशया चुनाव हे

वइगु प्रतिनिधिसभा व प्रदेशसभाया चुनावया निति न तालमेल यायत आधार तयार जुइ। प्रतिनिधिसभा व प्रदेशसभाया मत गुखेपाखे वनी धकाः स्पष्ट जुइ। उर्क थुगुसी २ नम्बर प्रदेशया चुनावया लिचःया तःधंगु अर्थ जुयाचवंगु दु।

२ नम्बर प्रदेशया चुनाव लिपा मुलुकय् छगू कथं न्ह्युगु अवस्था ब्वलनी। संविधान संशोधनया पक्षय् दुपिं त्यात धाःसा संविधान संशोधनया मुद्दा प्रमुख मुद्दा जुया वनीसा संविधान संशोधनया विपक्षय् दुगु राजनीतिक पार्टीत त्यात धाःसा संविधान संशोधनया मुद्दा भन कमजोर जुया वनी। आःया अवस्थाय् संविधान संशोधनया पक्षय् दुगु प्रमुख राजनीतिक शक्ति राजपा व संघीय समाजवादी फोरम नेपालपाखें २ नम्बर प्रदेशया चुनावयात हे आन्दोलनया रुपय् कयाचवंगु दुसा इमिसं अवश्य न थुगु चुनाव क्वचाय् धुकाः थःपनिगु माग पुरा यायगु निति आन्दोलन याइ। उगु आन्दोलन गुलि लिचः लाकि या मलाकी व मेगु खँ खः तर आन्दोलन धाःसा अवश्य न याइ। राजमो व संघीय समाजवादी फोरम नेपाल त्यात धाःसा आन्दोलनया निति छगू उर्जा जुइ अले संविधान संशोधनया पक्षय् अभ्र जनमत ब्वलनीगु संभावना अप्वया वइ।

ल्यं ७ पेजय्

दक्कले अप्वः लुँ
क्षेत्रपातिइ ज्वन



यँ। यँय आः तकया दुने दक्कले अप्वः लुँ क्षेत्रपाति लागां अबैध ८८ किलो लुँ ज्वंगु दु। २२ करोड तका सिबं न अप्वया लुँ ज्वंगु खः। केरुङपाखें यँय हःगु उगु कथंया लुँ ज्वंगु खः। क्षेत्रपातिइ पार्किङ यानातःगु गाडीइ उकथंया लुँ ज्वंगु खः धकाः महानगरीय प्रहरी प्रमुख जयबहादुर चन्द जानकारी बियादीगु दु। ल्यं ७ पेजय्

न्याम्ह पत्रकारयात सिरपाः



यँ, नेवाः पत्रकार राष्ट्रिय दबूया न्याक्वःगु दैमुँज्याया इवलया नेपाःया पत्रकारिता ख्यलय् ताःई न्ह्यःनिसं क्रियाशील जुयाः ज्वःमदुगु योगदान बियादीपिं न्याम्ह पत्रकारतय् तथीथी सिरपाः लःल्हाःगु दु।

ज्याइवलया मूपाहां यँ महानगरपालिकाया प्रमुख विद्यासुन्दर शाक्य हनापौ व विशेष पाहां शताब्दी पुरुष संस्कृतिविद् डा. सत्यामोहन जोशी दोसल्लां न्ययकादीगु खःसा सिरपाःया दातापिंसं भिद्वः/भिद्वः तका लःल्हानादीगु खः। हनेगु इवलया समाजसेवी सुरबहादुर श्रेष्ठ वरिष्ठ संस्कृतिविद् डा. सत्यमोहन जोशीया नामय् पलिस्था यानादीगु "वाङ्मय शताब्दी पुरुष सत्यमोहन जोशी पत्रकारिता पुरस्कार" वरिष्ठ पत्रकार नापं शुरुवाः तँसापौया सम्पादक रमेशकाजी स्थापितयात लःल्हाःगु खः। अथेहे नेपाःया न्हापांम्ह त्रिपिटकाचार्य नापं वि.सं. २००१य् तत्कालीन प्रधानमन्त्री जुद्ध शम्शेर पिल्लुपिं च्याम्ह भिक्षु मध्ये छम्ह कुमारकाश्यप महास्थविरया नामय् भिक्षु

कोण्डन्य पलिस्था यानाबिज्याःगु "भिक्षु कुमारकाश्यप स्मृति पत्रकारिता पुरस्कार" राजेन मानन्धरयात, समाजसेवी मोतिशान्ति शाक्य थः मांया नामय् पलिस्था यानादीगु "ज्ञानदेवी स्थापित स्मृति पत्रकारिता पुरस्कार" स्वनिगः पिने पिहां वयाचवंगु छगू जक वाःपौ "हेटौडा" साप्ताहिकया कार्यकारी सम्पादक मोहनमान सांगांमियात, समाजसेवी नापं व्यवसायी बाबुराजा ज्यापु नीस्वनादीगु "फोटो पत्रकारिता पुरस्कार" वरिष्ठ फोटो पत्रकार राजेन्द्र चित्रकार व सञ्चारकःमि शोभा श्रेष्ठ थः मां व अबुया नामय् नीस्वनादीगु "पुरुषोत्तम-निरादेवी पत्रकारिता पुरस्कार" वरिष्ठ कार्टुनिष्ट श्याम डंगोल 'खोकना'यात लःल्हाःगु खः। थ्वहे इवलया नेपाल पत्रकार महासंघया नवनिर्वाचित पदाधिकारीपिन्त विशेष पाहां संस्कृतिविद् डा. सत्यमोहन जोशी न्ह्युगु कार्यकाल सुथालाक न्ह्याकेफय्मा धकाः भिन्तुना देखासँ हनादीगु खः।

ल्यं ७ पेजय्

बिजया दशमी २०७४ को उपलक्ष्यमा हार्दिक मंगलमय शुभकामना

DASHAIN PACKAGE

- Blood Sugar Free
- Lipid Profile (मृदु सम्बन्धी)
(Cholesterol, TG, HDL, LDL)
- SGPT, SGOT (लिभर सम्बन्धी)
- S. Creatinine (किडनी सम्बन्धी)
- S. Uric Acid (जोनी दुसाई सम्बन्धी)

रु.१०५०/-
रु.६००/-

FT3, FT4, TSH (थाईराईड सम्बन्धी) रु.१०००/- रु.६००/-
USG (पेटको मिडियो X-Ray) रु.७००/- रु.५००/-
ECG (मृदु सम्बन्धी) रु.३००/- रु.१००/-

मिति: २०७४ भाद्र २० देखि आश्विन ७ गते सम्म
समय: बिहान ७:०० बजे देखि बेलुकी ७:३० बजे सम्म
स्थान:



सम्झना ल्याबोरेटोरी क्लिनिक प्रा. लि.
हौगल, मंगलबजार, फोन: ०१-५५४६६८४, ९८४१३४६००६

सम्पादकीय

देय् दबूया नीस्वक्वःगु
बुदिं व नेवाः एकता

नेवाःतयगु राष्ट्रिय संगठनकथं कयातःगु 'नेवाः देय् दबू'या नीस्वक्वःगु बुदिं हनेगु ज्या जुल । नेपाःया फुक्क नेवाःतयत छधी छप्पं यायगु नापं नेवाः हक अधिकारलिसें भाषा, साहित्य, संस्कृतिया संरक्षण सम्बर्द्धननापं थुकिया प्रचार प्रसार यायगु ज्याय् न्हयज्यानाच्चंगु नेवाः देय् दबूया यैय् जूगु नीस्वक्वःगु बुदिं हनेगु इवलय् नेवाःत धाथे छधी छप्पं जुयाच्चंगु दु ला धइगु न्हयसःचिं ब्वलंगु दु ।

आदिवासी जनजातिया महासंघय् तकं प्रतिनिधित्व याना वयाच्चंगु नेवाः देय् दबुलिं नेवाःतयत एकताबद्ध यानातयगु नापं नेवाःतयगु समस्यायात राष्ट्रियकथं मुद्दा ल्हवनेगु ज्या यानाच्चंगु खः । तर छुं ई न्हयःनिसें नेवाः देय् दबूया निस्क्रियता धाय् वा सकल नेवाःतयत एकताबद्ध यानातयगु ज्याय् ताःमलाःगु उगु ज्याइवलय् खनेदत । विशेषयानाः सकल नेवाःतयत छथाय् हयगु तातुनां नीस्वंगु नेवाः देय् दबूया पुलापि पदाधिकारीतयगु अनुपस्थितिं थजाःगु न्हयसः ब्वलंगु दु । देय् दबूया पुलांमह नायः लिसें संरक्षक नेवाः न्हयलुवा मल्ल के. सुन्दरया उपस्थिति दुगु खःसां न छुं ई जक च्वनाः पिहांवनेगु ज्यां न देय् दबूया बुदिं हनाया ज्याइवःयात कयाः न्हयसः चिं ब्वलंगु खः ।

दाङ्गय् जूगु नेवाः देय् दबूया तःमुंज्या लिपा नेवाःत छधी छप्पं जुइमाःगु खः, तर थौं ज्याइवलय् नेवाः देय् दबूया पुलापि पदाधिकारीपिनिगु न्यून उपस्थितिं यानाः नेवाःत गनं बाःगु संकेत ला मखु धइगु आशंका यायगु थाय् दय्काब्यूगु दु ।

तःमुंज्याय् थीथीकथं विवाद ब्वलनीगु स्वभाविक हे खः, तर तःमुंज्या लिपा सकल नेवाःत छथाय् च्वानाः नेवाःतयगु हक अधिकारया नितीं दनेमाःगु, कला, संस्कृति, भाषा, साहित्यया विकास यायगु नितीं न्हयज्याय् माःगु, देय्दय्कया फुक्क नेवाःतयत छधी छप्पं यायगु ज्याय् न्हयज्याय्माःगु खः । सैद्धान्तिकरूपं उकियात नालाकाःगु जुइ, तर व्यवहारय् धाःसा न्हापा देय् दबुली गुगु भू दुगु खः, व धाःसां भन् भन् तच्चयावंगु खः धइगु आभास ब्वलंगु दु । थ्व नेवाः एकताया नितीं छगु घातक पलाः सावित जूवनेफु ।

यदि नेवाः न्हयलुवातयके यदि असन्तुष्टि हे दुगु खःसा, थुकियात कयाः दुय्क सहलह याय्माःगु आवश्यक जुइधुंकूगु दु । स्विनिगः दुने व स्विनिगःपिने च्वीपं नेवाःत धकाः गुगु नेवाःतयत हे कुचा थलेगु ज्या देय् दबूया तःमुंज्याय् खनेदुगु खः, व धाः आःतक न लंगु खनेमदु । यदि थथे मखुगु खःसा नेवाःतयत छधी छप्पं यायगु धकाः नीस्वंगु नेवाः देय् दबूया बुदिंया ज्याइवलय् नेवाः न्हयलुवा अभ्र नेवाः देय् दबूया पुलापि पदाधिकारीपिं मथ्यंगुयात गुकथं स्वयंगु ?

सरकारं आःतक न जनजातिया मुद्दायात स्वीकार याःगु मदुनि, पहिचानया लिधंसाय् संधीयता बीगु ज्या मज्गु अवस्थाय् अभ्र नं आदिवासी जनजातित थःगु पहिचानया नितीं ल्वाय्मानीगु अवस्थाय् नेपाःया जनजातिया न्हयलं चाय्काब्यूपिं नेवाःत धकाः गौरव याइगु जातिं थौं थजाःगु संवेदनशील इलय् थुकथं नेवाःत छथाय् च्वनेमफूगु हुनिं छु खः, विश्लेषण याय्माःगु अवस्था ब्वलंगु दु । समस्यायात पहिचान यानाः उकियात ज्यकाः नेवाःत थःगु अधिकार, हक हीतया नितीं छथाय् च्वनाः सः थ्वय्केमाःगु दु । थुकिया नितीं नेवाः देय् दबूया वर्तमान पदाधिकारीपिन्सं न देय् दबूया पुलापि पदाधिकारी नापं नेवाः न्हयलुवातयसं संगठनप्रति च्यूताः काय्गु ज्या छाय् म्हो जुल धइगु खँय् विश्लेषण यानाः सकलसित दुथ्याकेगु वातावरण दय्केमा । यदि नेवाःत थुकथं हे न्ह्याःवनाच्चनेगु खःसा भीगु अस्तित्व, पहिचानया नितीं ल्वानाच्चनागु दु धकाः धाय्गु नं छहु हिनताबोध जुइगु अवस्था ब्वलनी मखु धकाः धाय्फइमखु ।

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ । छिकपिंसं छ्वयादीगुयात थुगु वाःपतिइ थाय् बियाच्चना । पिदंगु च्वसुयात उचित पारिश्रमिक बीगु नं सुचं बियाच्चना ।

लहना वाःपौ

भोछें, यें

lahana.news@gmail.com

जम्बो मन्त्रीमण्डल व
देउवाया नियति

सानुराजा शाक्व

शेरबहादुर देउवाया वर्तमान सरकारया सचिछन्हु थ्यनेत छन्हु निन्हु जक ल्यं दनि । शेरबहादुर देउवाया थ्व नेपाःया इतिहासय् प्यक्वःगु प्रधानमन्त्रीया अनुभव खः । तर प्रधानमन्त्रीया ज्याया तौरतरीका स्वय्बल्य न्हापा स्वक्वःतक प्रधानमन्त्री जुयाः अनुभव काय्धुंकूम्ह व्यक्तित्व छतिं खनेमदु । थः हाकनं छक्वः छाय् प्रधानमन्त्री जुयागु धइगु गुगु योजना प्रधानमन्त्रीयाके खनेमदु । कांग्रेसया नायः जूगु नातां माओवादी केन्द्रनापया सहमतिकथं न्हापा पुष्पकमल दाहालयात प्रधानमन्त्री दय्काः चैत्र, बैशाखतक पाः बीगु व धुंकाः कांग्रेसया पाः काय्गु सहमति कार्यान्वयन याय्गु नितीं जक थःगु पाः वःगुलिं प्रधानमन्त्री जूगु खःला धइगु कथंया व्यवहार प्रधानमन्त्रीया खनेदु । थःगु पालय् इतिहासय् जनतां सकारात्मककथं लुमंकातइगु कथंया ज्या याना क्यनेगु हुतिहुति न प्रधानमन्त्री शेरबहादुरयाके खनेमदु । तुलनात्मककथं छुं बांलाःगु ज्या याय्गु हुतिहुति नेकपा एमालेया नायः खड्ग प्रसाद ओली व माओवादी केन्द्रया नायः पुष्पकमल दाहाल प्रधानमन्त्री जूगु इलय् क्यं । शेरबहादुर देउवाया हकय् धाय्गु खःसा बांलाःगु स्वयां बामलाःगु ज्याय् शेरबहादुर देउवा न्हयःने खनेदु । न्हूगु संविधानकथं केन्द्रया मन्त्रीपरिषद नीयाम्ह जक दय्केगु धइगु च्वयातःगु दु । तर थुकिया अभ्यास दलतय् नितीं चुनौतिपूर्णकथं जुइगु खःला धइगु वर्तमान मन्त्रीपरिषदया ल्याखं शंका याय् थाय् दु । सरकार न्ह्याकेत जम्बो मन्त्रीमण्डल दय्केगु रेकर्डतय्गु सवालय् शेरबहादुर देउवा न्ह्याबले न्हयःने लाः ।

मंसिरय् प्रतिनिधि सभा व प्रदेशसभाया चुनावया घोषणा जुइधुंकूगु अवस्था व संविधान संशोधनया मुद्दा नं तत्कालया नितीं संसदय् अन्त जुइधुंकूगु अवस्थाय् सरकार परिवर्तनया छुं हे संभावना मदु । थःगु सरकारया बहुमत तनाः पदच्युत जुइमालीगु अवस्था नं शेरबहादुर देउवाया मखु । अथेखःसा तबि शेरबहादुर देउवा जम्बो मन्त्रीमण्डल दय्काः अलोकप्रिय लैपु छाय् ल्यल धइगुया औचित्य नं गनं खनेमदु । संविधान संशोधनया पक्षय् स्वब्वः मत हय्गु नितीं खः धकाः स्वय्गु खःसा संविधान संशोधन नं स्वब्वः मत हय् मफयाः संविधान संशोधन नं फेल जुइधुंकल । अय् नं शेरबहादुर मन्त्रीमण्डल बिस्तार यानाः जम्बो दय्कूगु धइगु प्रधानमन्त्री शेरबहादुर देउवाया भिजन हे मदु धइगु खँ खनेदत । जम्बो मन्त्रीमण्डल दय्केगु सवालय् गुलि प्रधानमन्त्री शेरबहादुर दोषी खः, उतिकं माओवादी केन्द्रया नायः पुष्पकमल दाहाल नं दोषी । सरकारया आयु हे स्वला प्यला

स्वयां अप्वः मन्त धइगु सीकसीक नं कांग्रेस व माओवादी केन्द्रया सभासदतय् मन्त्रीपरिषदय् ग्वाःग्वाः मन्त्री व राज्यमन्त्री दय्केगु चाहना धइगु राज्यया धनया दुरुपयोग जक खः ।

सरकारया पक्षय् बल्लागु बहुमत दय्केगु नितीं गबले गबले यक्व पार्टीतय् सरकारय् दुथ्याकाः जम्बो मन्त्रीमण्डल दय्केत स्वइगु । तर वर्तमान प्रधानमन्त्री शेरबहादुर देउवाया हकय् धाय्गु खःसा कांग्रेस माओवादी जक जाःसा संसदीय बहुमत खाः । तर प्रधानमन्त्री शेरबहादुर देउवा यक्व दलतय् मन्त्री पद बियाः थःगु पक्षय् अत्यधिक बहुमत क्यनेमाःगु बाध्यता मदुसां यक्व दलया सभासदतय् मन्त्री इनाजूगु दु । मेखे कांग्रेस व माओवादी केन्द्रपाखें नं यक्व सभासदतय् मन्त्री दय्काः अलोकप्रिय ज्याया निरन्तरता शेरबहादुर देउवा छाय्

जुल धाःसा कारवाही याय् धकाः लिसः बी । यदि भ्रष्टाचार याःगु प्रमाणित जूसा मन्त्री नं कारवाही हे याय् म्वालिनि तप्यं कानूनं हे कारवाही याइ नि । तर मन्त्रीतय्सं मस्तयुसं थें न्ववाना जुइ । थ्व प्रधानमन्त्री न्हयःया प्रधानमन्त्री पुष्पकमल दाहालया मन्त्रीपरिषदय् लोडसेडिङ चीकेत ताःलाःम्ह धकाः बय्बय् जूम्ह जलस्रोत मन्त्री जुयादीम्ह जनार्दन शर्मा थौं कन्हय् गृहमन्त्री जुयाच्चंगु दु, तर जलस्रोत मन्त्रालय बांलाक ज्यायात धकाः प्रशंसित जुयादीम्ह गृह मन्त्रालय चले याःबलय् औसत नतिजा जक खनेदत ।

प्रधानमन्त्री शेरबहादुर देउवाया हे खँ ल्हाय्गु खःसा प्रधानमन्त्री देउवाया भारत भ्रमणया प्रसंग नं वइ । प्रत्येक पटक प्रधानमन्त्री जुयाः भारत भ्रमण याय्धुंकूम्ह देउवाया मचापहः भ्रमण जःछि यक्व हे खनेदत धकाः आलोचित जुल । देउवां

उद्घाटन, भ्रमण निरक्षण
जक यानाः हे थःगु कार्यकाल
सिधय्केगु नियति थ्व
सरकारया जुइगु संकेत दु ।
भ्रष्टाचार, अव्यवस्थालिसं
जनतानाप सरोकार दुगु यक्व
ज्याय् खनेदुगु समस्यात ज्यंकेगु
भिजन ज्वनाः छुं याइ धइगु
विश्वास थ्व सरकारपाखें
याय्गु बेकार हे जुइ ।



बिल न्हयसः दनाच्चंगु दु । मन्त्रीमण्डल बिस्तार यानाः जम्बो मन्त्रीपरिषद संविधान संशोधनया पक्षय् स्वब्व बहुमत खाकेगु नितीं नं मखु, छाय्कि मन्त्रीमण्डलया बिस्तार संविधान संशोधन धुंकाः जक याःगु खः । मेखे माओवादी केन्द्रया दक्क फुक्क सभासदतय् पाव्व लःल्हाय् थें मन्त्री राज्यमन्त्री दय्काः माओवादी केन्द्रया नायः पुष्पकमल दाहाल थःगु थःपिं गुकथं दक्षिणपन्थी धारय् तिब्र गतिं न्ह्याः वनाच्चन धइगु क्यंगु दु । अनावश्यक रूपं मन्त्रीमण्डल तःधंगु मदय्केगु सवालय् बरु एमालेया नायः खड्ग प्रसाद ओली बचे जुल । मन्त्री व राज्यमन्त्री यक्व दय्काः देय्या समृद्धि व विकासय् योगदान जूगु इतिहास मदु । प्रधानमन्त्री व मन्त्रीतय्गु कार्यशैली व चिन्तन व परिणाम नं मात्र न्हियांन्हिथंया प्रशासनिक ज्याय् हे जक सीमित जुयाच्चंगु खनेदु । छुं यानाः क्यनेमाः धइगु भावना स्वयां थःगु जीवनय् मन्त्री जूगु अनुभव मुंकेगु नितीं जक ग्वाःग्वाः मन्त्री, राज्यमन्त्री जूवंगु खनेदु ।

प्रधानमन्त्री मन्त्रीतय्सं छुं बांलाःगु ज्या यानाः क्यनेगु आकांक्षा दुसा याय् नं फु धइगु न्हापा न्हापाया छुं छुं मन्त्रीतय्सं क्यंगु नं दु । तर वर्तमान प्रधानमन्त्री व मन्त्रीतय् मात्र मन्त्री छक्वः जुइगु नितीं जक मन्त्री याःगु खःला धइथें च्वं । आयल निगमया भ्रष्टाचारयात कयाः थुलिमछि खँत प्रमाण सहित सावर्जनिक जुयाच्चंगु दु, तर आयल निगम स्वइम्ह आपूर्ति मन्त्रीया धापू आयल निगमया महाप्रबन्धक भ्रष्टाचार याःगु प्रमाणित

समकक्षीनाप जूगु वार्ताय् न्हयथना हे च्वनेम्वाःगु संविधान संशोधनया प्रसंग हयाः भविष्यय् संशोधन पास याय्गु खँ तल धकाः आलोचना नं यक्व हे जुल । उकिया लिसलय् देउवां भ्रमण इवलय् छु न्ववाय्गु, छु न्वमवाय्गु धकाः सुयाके न्यनाः जक न्ववाय्गु धकाः स्पष्टीकरण बीत स्वल । तर छम्ह जिम्मेवार पदय् च्वनाच्चम्ह व्यक्ति छु न्ववाय्गु, छु मवाय्गु धइगु खँ थःम्ह हे सीकेमाःगु छुं खः । तर प्रधानमन्त्री देउवाया ध्यान भारत भ्रमणः लानाः उगुथुगु खँय् सम्भौता याकी धइगु खँय् जक अपरिपक्व ढंगं सचेत जुया धकाः न्ववागु खँ स्वय्बल्य नेपाःया प्रधानमन्त्रीया क्षमता गुलि दु धइगु थुकिं नं क्यन । थःगु देय्या पक्षय् हीत जुइगु खँय् भारतनाप सम्भौता मखु कि थःत भारत भ्रमणः लाकाः विवाद ब्वलनीगु सम्भौता याकी धइगु खँय् जक च्यूताः खनेदत ।

थुकथं स्वय्बल्य थ्व सरकारपाखें धयातःगु दिनय् चुनाव क्वचाय्के फूसां गाः । मेगु ज्याया अपेक्षा याय्गु बेकार हे जुइ । उद्घाटन, भ्रमण निरक्षण जक यानाः हे थःगु कार्यकाल सिधय्केगु नियति थ्व सरकारया जुइगु संकेत दु । भ्रष्टाचार, अव्यवस्थालिसं जनतानाप सरोकार दुगु यक्व ज्याय् खनेदुगु समस्यात ज्यंकेगु भिजन ज्वनाः छुं याइ धइगु विश्वास थ्व सरकारपाखें याय्गु बेकार हे जुइ । थःपिन्सं ज्या याय् मफु, निर्वाचन आयोगया आचार संहिताया कारणं ज्या याय् मफुत धकाः थःगु बचाउ यानाः सरकारया मन्त्रीतय्सं न्ववाःसां आश्चर्य मचाःसां ज्यू ।

भाषानिभाः कसाःया हुलाक टिकट पिथनेत मोहन दाइया कृतः



राजा शाक्य

भाषानिभाः प्रेमबहादुर कसाः भाषिक, साहित्यिक व सांस्कृतिक ज्यासनामि जक मखु, छम्ह राजनैतिक न्हयलुवा नं खः । राजनैतिक गुरु नं खः ।

कामरेड पुष्पलाल श्रेष्ठ, कामरेड साधना प्रधान व कामरेड सहाना प्रधानपिं अले यक्व राजनैतिक मनूत वय्कःया चेलात खः । अथेसां वय्कःप्रति पार्टीतय् व राज्यया मिखा वैं हे मवं । हुलाक सेवा विभागं गजाःगजाःपिनिगु टिकट पिकाल, तर भाषा निभाः प्रेमबहादुर कसाःया टिकट पिमकाः । अथेजुगुया यक्व हुनिं दयफु ।

जिं न्यनागु दु, छक्वः इन्द्र मालीया

ग्वसालय् भाषानिभाः प्रेम बहादुर कसाःया हुलाक टिकट पिकायूत पहल याःगु जुयाच्चन । अले छक्वः आशा सफूकुथिइ भाजु मंगलप्रसाद स्यस्यः नं थ्व हे खैं ज्वनाः दुहांवःगु खः । तर व नं फासाफुसुं जुयावन । लाःसा वयात याकः खिचा यानाः सुनानं ग्वाहालि हे मयाः जुइ । लिपा सिल फिलाटेलिक सोसाइटीया छम्ह दुजः भाजु रामेश्वर कर्माचार्य च्यूताः तयाच्चंगु जुयाच्चन । लिपा वय्कलंजि आशा सफूकुथिइ मच्चने धुंकाः भाजु शरद कसाःयात नाप लात । अबलेया दुने “प्रेम-मोहन सिरपाः गुथि” स्वने धुन । उकिं उगु हुलाकी टिकट पिकायूत संस्थापाखें हे पलाः न्ह्याकेमाःगु खैं जुल । अबलय् “प्रेम-मोहन सिरपाः गुथि”या दाता व संस्थापक ई. मोहनकृष्ण डंगोलं थः गुरु, भाषानिभाः प्रेमबहादुर कसाःया हुलाकी टिकट छगू न्ह्यात्थे यानाः नं पिकाय् माली धयागु नुगः क्वातुका तःगु जुयाच्चन । तर रामेश्वर कर्माचार्य धाःसा नेपालभाषाया धापू कथंभी नायः धाःपिसं गन गन पहल याय्माःगु खः, उलि हे मयाः । मेगु छुं मखु, भाषानिभाः प्रेमबहादुर कसाःया ब्यवहःगु बांलाःगुकिपाः निपाःलिसें वय्कःया बहःचा हाकय्क जीवनी निगू छगू खस भासं, मेगु उकियात हे अंग्रेजी

भासं भाय् हीकातःगु माःगु जुयाच्चन । बस्, थुलि तयाः संस्थागत निवेदन (इनाप) पौ हुलाक बिभागय् तय्गु । मेगु गन गन, गबलय् गबलय् पलाः च्वय्केमाल, अन अन जिमिसं ग्वाहालि यानाबी । वय्कःया उर्ज उलि हे खः ।

भाजु रामेश्वर कर्माचार्यया नं भाषानिभाः प्रेमबहादुर कसाः गुरु खनी । थ्व खैंय् वय्कलं न्हार्पानिसें नुगः तःगु जुयाच्चन । तर अबलय् जिमिसं चूलाके मफुनिगु जक जुयाच्चन । लिपा वय्कःनाप स्वापू दय्वं जिं वय्कःयात ई. मोहनकृष्ण डंगोलयात नापलाका बिया ।

मोहनदाइ, कामरेड अष्टलक्ष्मी शाक्यया थाय् नं वनेधुंकूगु जुयाच्चन । कामरेड अष्टलक्ष्मी शाक्यं गन गन धाय्माःगु खः, जिं क्वातुक्क धयाबी धकाः भलसा बियातःगु जुयाच्चन । हुलाक कार्यालयया हाकीमया थाय् मोहनदाइ न्हापा हे वना तय्धुंकूगु जुयाच्चन । आः रामेश्वर कर्माचार्य धाःथें किपाः निपाः चूलाकेगु व प्रेमदाइया म्हसीका च्वय्गुया भाला जितः बिल । भाला कयाथें जिं प्रेमदाइया म्हसीका च्वया बिया । अले उकिया अंग्रेजीं भाय्हिला हनेबहःम्ह गुरु डा. तेजरत्न कसाःयात इनाप याना । वय्



कलं इलय् हे अंग्रेजी भासं भाय् हिलाः जितः बिल ।

भाषानिभाः प्रेमबहादुर कसाःया बांलाःगु किपाः कियाः जिं इन्टरनेट भाजु पदमधर तुलाधरपाखें कया । अले डा. तेजरत्न कसाः नं भाय् ह्युगु व जिं च्वयागु, म्हसीकाय् घानाः हुलाक सेवा समितिइ लः ल्हाना बिया । ज्याखैं न्ह्याः वनां च्वन । बैशाखं पिहांवइगु टिकटया इवलय् भाषानिभाः प्रेमबहादुर कसाःयागु नं पिहांवइगु क्वःजित । जिपिं भम्चा क्वःज्यूगु थें लयलय् ताया । ख्युगु थासय् घ्यःबुँ स्वां ह्वःथें ह्वालाह्वालां बास वल । न्यातका वंगु टिकटय् तयाः पिहांवःगु न्हापांगु दिं कथं हुलाक सेवाया उर्ज कयाः मिहचा (नमूना खाम) पिथना, अले भाषानिभाः प्रेमबहादुर कसाःयागु न्यातका वंगु छपाः टिकट नं तिकाः हुलाक विभागं न्हापांगु पिदंगु धकाः च्वयातःगु छाप घ्वाना हया । अले वयात उकिया पिब्वज्या जूबलय्

सकलें पाहांपिन्त इना बिया ।

पौम्हिचा पितब्वज्या “प्रेम-मोहन सिरपाः गुथि”या दाता व संस्थापक भाजु स्व. मोहनकृष्ण डंगोलया ब्याक्क खर्चय्, वय्कःया छैंया चुकचाय् हुलाकया हाकिमयात मूपाहां यानाः ज्याइवः न्ह्याका । वया न्ह्यः हुलाक सेवा विभागया ज्याकूया हलय् उगु ईया सूचना मन्त्री भाजु डा. मिनेन्द्र प्रसाद रिजालया “फस्ट दे अफ इस्यू”या पौम्हिचाय् छाप घ्वाकाः पितब्वज्या जूगु खः । अबलय् “प्रेम-मोहन सिरपाः गुथि”या प्रतिनिधिकथं जितः नं न्ववाय्गु ह्वःताः चूलाःगु खः । अन लैय् उलिमछि च्वन्ह्याःपिं नेवाः न्ह्यलुवात दयाः नं उपन्यास व प्याखं विधाया च्वमि भाजु ई. मोहनकृष्ण डंगोल याकःचां हे ताःलाकेमाःगु त्याकबाः मोहनदाइयात लाःवनिगु अजू चायापुसे च्वंगु खैं मखु । छाय् धाःसां वय् कःया जीवनय् तःगू योजनात मध्यय् दकलय् ताःलाःगु ग्वसाः थ्व हे थें ताल ।

श्रद्धाया लुमन्ति स्वां



अपर्णा प्रधान

मांयागु कोखं पञ्चतत्वयुक्तगु पिण्डया रुपय् छम्ह मचा बुइ । ब्वलनेवं थःथःपिनिगु कर्म भिन्ह अथवा मभिन्ह जुइगु खः ।

मनूतय्सं जन्मलिसें मृत्यु नं ज्वना वइ धाइ । जन्म जुक्व मृत्यु जुइमाःगु प्रकृतिया नियति हे जुल । मृत्यु अर्थात् कालं मचा, युवा तथा बृद्धावस्थायापिं सुयातं हे बाँकि तइमखु । गुम्ह बाल्यावस्थाय् हे मृत्यु जुइ । गुम्ह बृद्धावस्थातक हे म्वाना च्वनि । उकिं ला “काल मवय्कं सी धाःसां सी मखु । काल वल कि म्वाय् धाःसां म्वानाच्वने मखं” धयातःगु । अले कालयागु वासः मदु । यमराजयात दोष मदय्क जन्म जुक्व मृत्यु जुइमाःगु ध्रुवसत्यगु हे खैं जुल ।

संसारय् यक्व धनजन नाश जुइक यक्व हे युद्ध जुल । अजाःगु युद्धय् न त्याःपिं हे सदां म्वानाच्वंगु दु न बूपिं हे सुं ल्यनाच्वन ।

नय्गु, घनेगु व मोज यानाः जीवन हनाच्वीपिं मनूतयगु मृत्यु कीचा अथवा पशु बरोबर जुयाः सिना वनी । अजाःपिं सीबलय् इमिगु भौतिक शरीरनापं इमिगु अस्तित्व नं ल्यनाच्वनी मखु । तर गुम्ह मनू थःगु निरितिं जक म्वानाच्वनी मखु, सदां समाज कल्याणया ज्याय् तल्लीन जुयाच्वनी, अजाःम्ह मनू मृत्यु जूसां

भौतिक शरीर जक मदया वनि । वयागु नां सदां अमर जुयाच्वनी ।

मोहनकृष्ण डंगोल जिगु थःछैं त्वाःयाम्ह दाजु । किलागःत्वाःया केहेंकिजापिन संरक्षक धाःसां पाइमखु ।

मोहनदाइया बोलि बचन तसकं नायु, स्नेहं भय्यू । वय्कः जिगु छैंय् बरोबर भायादी । अबलय् जिम्ह जहानयात न्ह्यःने मखन कि तुरुन्त हे “जिचाभाजु मदी ला ?” धकाः न्यनादीगु । मोहनदाइ मदुगु गुलि याकनं दंछि दुगु ? वय्कलं न्यनादीगु व वचन लुमना वल कि जिगु न्ह्यःने वय्कः इवात्तां दं भाइगु ।

मोहनदाइ मां बेखामाया डंगोल व बौ देवकृष्ण डंगोलपाखें ने.सं. १०५६ कौलाथ्व षष्ठी कुन्हु किलागः त्वालय् जन्म जुयादीगु खः । वय्कलं विद्यार्थी जीवनकालनिसें हे भाषानिभाः प्रेमबहादुर कसाःयागु प्रेरणां नेपालभाषा साहित्यय् नाटक विधाय् च्वसा न्ह्याकादीगु खः ।

मोहनदाइ नं तःगु हे दबूप्याखं च्वयादीगु दु । वि.सं. २०१५ सालय् दबूप्याखं प्रतियोगिताय् वय्कःयागु “न्हगु समाज” नांयागु दबूप्याखं न्हापा लात । सरकारीस्तरं वय्कःयात रु १०,०००/- नगद पुरस्कार प्रदान यात ।

समाजय् ह्यूपाः वइतिनि धयागुली मोहनदाइ तसकं आशावादीम्ह ब्यक्ति खः । वय्कलं थःगु छगू दबूप्याखंया मंगलाचरणय् थथे च्वयादी,

“न्हगु दिं थन वइतिनि, न्हूम्ह सूर्यः लुइतिनि ।

न्हूम्ह मनुखं न्हगु ढंग न्हगु छैं दय्कि तितिनि ।”

मिसापिन्सं तिकइयाःया प्वालिपिनेया संसार खंका च्वनेमाःगु इलय् मोहनदाइ नं दबू प्याखनय् मिसापिं प्याखम्बःतय्त

न्ह्यब्वयादिल । उगु ईया थ्व पलाः वय्कःया साहसिकनापं ऐतिहासिक पलाः धाय्माः ।

मोहनदाइ ज्यापु परिवारय् जन्म जुयादीम्ह खः । तर वय्कः बुँज्या यानाः ब्वलनादीम्ह मखु । छम्ह शिक्षितम्ह इन्जिनियर खः । वय् कलं वि.सं. २०२२ सालनिसें वि.सं. २०५२ सालतक तत्कालिन यें देय्या नगरपालिकाय् इन्जिनियरया ज्या कःघानादिल । वय्कलं जापानय् वेष्ट म्यानेज्मेण्ट व थाइल्याण्डय् वेष्ट डिस्पोजल कन्ट्रोलया तालिम प्राप्त यानादीगु दु ।

दबू प्याखनय् च्वसा न्ह्याका च्वनादीम्ह मोहनदाइ जीवनयापन यानादीम्ह स्वंगू दशकतक लजगालय् तक्यना च्वनादिल । लजगालं निवृत्त जूसैलि हाकरं नेपालभाषा साहित्यय् च्वसा न्ह्याकादिल । ने.सं. ११३१तकया दुने विधि हे विपरित जूसैलि व विधिया लःघः नांयागु निगू सामाजिक उपन्यास, भृकुटी नांयागु छगू ऐतिहासिक नाटक व पोखरानिसें भिन्तुनातक नांयागु छगू निबन्ध यानाः स्वंगू बिधाया प्यंगू सफू पिथनादिल । भावी साहित्यकारपिन्त हःपाः बीगु मर्नतुनां थः गुरु प्रेमबहादुर कसाः व थःगु नांया मंकाः नामं “प्रेम-मोहन सिरपाः गुथि” छगू सिरपाः स्वनादिल । वय्कः ‘प्रेम-मोहन सिरपाः’या दाता खः ।

पौराणिक, ऐतिहासिक, सामाजिक, राजनीतिक, आर्थिक, सांस्कृतिक, विज्ञान, कृषि, प्रशासनिक आदि ज्ञांदुम्ह छम्ह प्राविधिक मोहनदाइपाखें नेपालभाषा साहित्यय् नुगः क्वसाय्कादीगु नेपालभाषा साहित्यकारपिनिगु निरितिं लय्ताया खैं हे जुल ।

शिक्षितम्ह मोहनदाइ थःगु जातीय भावनां कृषक वर्गया च्यूताः तयादीम्ह ब्यक्ति खः । तःगु संघसंस्थाय् संलग्न जुयाः वय्कलं समाज सेवा

यानादीगु दु । उकिं वय्कः छम्ह साहित्यकार नापं समाजसेवी नं खः ।

मोहनदाइ नं च्वयादीगु थीथी विधाया प्यंगू सफूयात कयाः जिं समालोचना याना । उगु समालोचनात थीथी पत्रिकाय् प्रकाशित जुल ।

थीथी पत्रिकाय् प्रकाशित समालोचनात मुनाः छगू सफूया रुप बिया । ‘स्वदुवाः’ नांयागु समालोचना मुना सफू म्हमफयाः च्वनादीम्ह मोहनदाइया उसाँय् सुथां लाय्मा धकाः दुनुगलनिसें भिंतुना द्यःछाना पिथनागु खः । उगु सफू पितब्वज्याया इवलय् मोहनदाइ उपस्थित जुयादी मफुत ।

मोहनदाइया सफूया बारे स्वदुवाः सफू वय् कःया जीवनकालय् हे पिथनागु खः । तर व जिगु कृति मोहनदाइ नं ब्वनेगु स्थिति मखय् धुंकल । वय्कः तःक्वः हे अस्पतालय् भर्ना जुयादी माल । ख्याःथें नीथें यानाः वय् कः उपचारया क्रमय् सदांया निरिति संसार त्वःताः भाल ।

च्यागू दशकया जीवनय् मोहनदाइ नं यक्व समाज कल्याणया ज्या याना भाल । जीवनया उत्तरार्द्धय् तक हे नेपालभाषा साहित्य सिर्जना याना थकादिल । थौं मोहनदाइया भौतिक शरीर भीगु न्ह्यःने मदय् धुंकल । तर वय् कःया कर्म व कृतिं वय्कः अमर जुयाच्वनी । वय्कःया लुमन्ति भीगु नुगलय् न्ह्याबलें ल्यनाच्वनि ।

मोहनदाइ थःगु निरितिं जक जीवन न्ह्याका च्वनादीम्ह ब्यक्ति मखु । ने.सं. ११३२य् ईन्द्रजात्रा व्यवस्थापन समिति या नायः जुयादीगु इलय् वय्कलं हे नानिचा याःबलय् कुमारी खः मिस्तय्सं जक सालेगु परम्पराया शुरुवात यानादीम्ह खः । थनिं न्यादैं न्ह्यः शुरुवात याःगु शुगु परम्पराया थौतक नं न्ह्यानाच्वंगु दनि ।

जनकल्याणया निरितिं थःगु जीवन पाना भ्नाःम्ह मोहनदाइया विषयया थ्व जिगु बःचा





नेवा: पत्रकार
दम्ब:गु





राष्ट्रिय दबूया गु दंमूंज्या



किपा: राजेश बजाचार्य, अभिषेक चित्रकार



होम प्याकिङ्गको पनि व्यवस्था छ ।

‘बसन्त ऋतु’ भिं साइत



यैं । धुँदैय् प्रोडक्सनया न्हापांगु संकिपा ‘बसन्त ऋतु’ मूपाहाँ किपू नगरपालिकाया मेयर रमेश महर्जन नैक्या तःख्याना भिंसाइत यानादीगु खः। नविन जोशी कलाप बियादीगु खःसा नेपालमण्डल टेलिभिजन कार्यक्रम प्रमुख जितेन्द्र महर्जन क्यामराया स्वीच अन याना भिं मुहूर्तया शट यानादीगु खः। उगु संकिपा ‘बसन्त ऋतु’ भिंसाइत ज्याइवलय् कलाकारिपिं किशोर चिपाल, अनु महर्जन, राजेन्द्र महर्जन, शोभा महर्जन, सुरेश महर्जन व सोनिका हेकापिन्सं भिं मुहूर्त शटय् अभिनय यानादीगु खः। कीर्तिपुरया हिलसाइड होटलय्

जुगु उगु भिंसाइत ज्याइवलय् विशेष पाहाँ कथं गोपालकाजी कायस्थ, किपू वडा ल्याः १० या वडाध्यक्ष अमन महर्जन, जय महर्जन श्रेष्ठ, नेवाः पत्रकार राष्ट्रिय दबूया नायः श्रीकृष्ण महर्जन व बरिष्ठ सिनेपत्रकार विजयरत्न असंबरे उपस्थित जुयादीगु खः। उगु संकिपाया निर्देशक व च्वमि पवन जोशी ‘बसन्त ऋतु’ संकिपा केवल मनोरञ्जनया नितिं जक मखुसे सामाजिक रुपान्तरणया नितिं दसू कथं दयेकेगु धकाः बियादीगु खः। राजेश शाक्यया क्यामेरा, गुज्ये मालाकारया संगीतलिसें रामभक्त महर्जन रमभ्रम व चन्देश्वर महर्जनया म्ये रचना यानादीगु खः।

सत्यहेरा अनुसन्धान सिरपाः लिसें थीथी सिरपाः

यैं । नेपालभाषा स्नातकोत्तर ब्वैमिपिन्त छगू ज्याइवःया दथुइ सत्यहेरा अनुसन्धान सिरपाः, पुष्पादेवी छात्रवृत्ति व योगवीरसिंह अनुसन्धानवृत्ति सिरपाः लःल्हाःगु दु। नेपालभाषा केन्द्रीय विभागय् जूगु उगु ज्याइवलय् मूपाहाँ यल महानगरपालिकाया उप-प्रमुख गीता सत्यालं उगु सिरपाः लःल्हाःगु खः। ज्याइवलय् ‘नेवाः लोकबाखं’या अभिप्रायः छगू अध्ययन’ शोधप्रबन्धया नितिं सृष्टि श्रेष्ठ व ‘सिंहसार्थबाहु अवदान ने.सं. ९४६’या अभिलेख सम्पादनया नितिं राजेन्द्र शाक्ययात अनुसन्धान सिरपाः, अथेहे नेपाल साहित्य मन्दीरया ‘योगदान’ शोधप्रबन्धया नितिं सुमा श्रेष्ठ बनेपालीयात योगवीरसिंह अनुसन्धानवृत्ति सिरपाः लःल्हाःगु दुसा नेपालभाषा केन्द्रीय विभागय् स्नातकोत्तरया न्हापांगु सेमेष्टरया ब्वैमिपिं सिल्भा प्रधान व कविना नेपाली अथेहे निगूगु दैया ब्वैमिपिं केशरी प्रधान व राकेश महर्जनयात पुष्पादेवी छात्रवृत्ति सिरपाः लःल्हाःगु खः। सिरपाः त्याकादीपिन्त मूपाहाँ उप-प्रमुख सत्यालं दसिपौ व सिरपाःया दातापिन्सं नगद सिरपाः लःल्हानादीगु खः। थ्वहे इवलय् सिरपाःयात कयाः विभागया पुलांम्ह प्रमुख प्रा. प्रेमशान्ति तुलाधरं बःचा हाकलं जानकारी बियादिसें उजेली डंगोलं थः मां अबु सत्यमान व हेरामायाया नामं ‘सत्यहेरा अनुसन्धान सिरपाः’या नितिं प्यंगू लखतका



अक्षयकोष तयाब्युगु व अनुसन्धानात्मक शोध प्रबन्धया नितिं निम्हेसित म्हाँतिं भिद्रः तकाः सिरपाः बियावयाच्वंगु नं जानकारी बियादिल। अथेहे पञ्चवीरसिंह तुलाधरं थः जहान पुष्पादेवी तुलाधरया नामं निगू लखतका अक्षयकोष तयाः नेपालभाषा स्नातकोत्तर ब्वनाच्वपिं प्यम्ह ब्वैमिपिन्त ‘पुष्पादेवी छात्रवृत्ति’ व कमलवीरसिंह तुलाधरं थः अबु नापं नेपालभाषाया प्यंगु थं मध्ये छम्ह योगवीरसिंह कसाःया नामय् ‘योगवीरसिंह अनुसन्धानवृत्ति’ ग्यसुलाक्क अनुसन्धान शोध प्रबन्धयात बिया वयाच्वंगु नं जानकारी बियादिल। सत्यहेरा अनुसन्धान सिरपाःया नायःलिसें नेपालभाषा केन्द्रीय विभागया

प्रमुख प्रा.डा. चन्द्रमान बज्राचार्यया सभाध्यक्षताय् जूगु उगु ज्याइवलय् सिरपाःया परीक्षक व विभागया पुलापिं प्रमुख प्रा.डा. सुन्दरकृष्ण जोशी, सह-प्रा. काशीनाथ तमोट, निवर्तमान विभागीय प्रमुख सह-प्रा. तुलसीलाल सिंह, सत्यहेरा सिरपाःया दुजः हिराकाजी महर्जन, पुष्पादेवी छात्रवृत्तिया दाता समाजसेवी पञ्चवीरसिंह तुलाधर, नेवाः अर्गनाइजेशन अफ अमेरिकाया नेपाल च्याप्टरया कजि किरणकेन रञ्जित, शाक्य सुरेनपिनिगु उपस्थिति दुगु खः। विभागीय शिक्षक ईश्वरीमैया श्रेष्ठं न्ह्याकादीगु उगु ज्याइवलय् उपस्थित जुयादीपिं सकलसित सह-प्रा. डा. ओमकामेश्वर श्रेष्ठ लसकुस यानादीगु खः।

‘इयाइ, सन् एण्ड मम्’पाखें हना ज्याइवः



यैं । नेपालभाषाया टेलिसिरियल ‘इ याइ, सन् एण्ड मम्’ सञ्चिञ्चव पूर्वगु लसताय् छगू हना ज्याइवः याःगु दु। मुभि एण्ड मोर प्रा.लि.या प्रमुख आर्यन

नकःमिया सभाध्यक्षताय् जूगु उगु ज्याइवलय् मूपाहाँ लिसें ख्यालिजुजु मदनकृष्ण श्रेष्ठ, विशेष पाहाँ मल्ल के.सुन्दर, पाहाँपिं कलाकार हिसिला महर्जन, जय श्रेष्ठ, सविन

शाक्य, नेपाल टेलिभिजनया प्रबन्ध निर्देशक भाइकाजी महर्जन ‘नयन’, नेवाः देय् दबूया नायः नरेश ताम्रकारपाखें टेलिसिरियलया कलाकार, ग्वाहालिमि, च्वमि, प्राविधिक, विज्ञापनदातालिसें पत्रकारपिन्त हनेगु ज्या जूगु खः। अथेहे नेपाःया संकिपा ख्यलय् योगदान बिया वयाच्वनादीपिं कलाकारपिं आशिष्मा नकःमि, भिन्तुना जोशी, राजु महर्जन, अन्नपूर्णेश्वरी श्रेष्ठ, अर्णेश्वरी श्रेष्ठ शिल्पकार, श्यामसुन्दर शिल्पकार व क्यामरापर्सन सोहन मानन्धरयात विशेष हनेज्या याःगु खः।

२ गतेया ...

तर ईपिं बुत धाःसा आन्दोलन याःसां कमजोर आन्दोलन जक जुइ। काग्रेस व माओवादी केन्द्रया दथुइ नं कार्यगत एकतायात आः २ नम्बर प्रदेश लिपा नं निरन्तरता बिइगु लाकि मबिइगु धइगु खँ चुनावया नतिजां धाइ। उगु हे कथं स्वंगु चरणया स्थानीय तहया निर्वाचनया लिच्वःया आधारय् हे एमाले संविधान संशोधन, पहिचानया सवालय् न्ह्यु नीति ज्वनी। थःपिं आःया चुनावय् त्यात धाःसा संविधान संशोधनया विपक्षय् एमाले दनी अले बुत धाःसा संविधान संशोधनया सवालयात कया विपक्षय् दनेत थाकुइगु अवस्था वइ। उगु इलय् माओवादी केन्द्रलिसे कार्यगत एकता याना प्रदेश व प्रतिनिधिसभाया चुनावया नितिं तालमेल याइगु संभावना दु। थुगु ल्याखं स्वल धाःसा आः २ नम्बर प्रदेश संविधान संशोधनया सवालयात कया छगू कथं जनमत संग्रह ज्वनाच्वंगु दु।

दक्ले अप्वः...

लुँ बा १७ च ६४२७ नम्बरया गाडीइ

दु धकाः स्वन्हु न्ह्यः हे प्रहरीयात सुचं वःगु जुसां सुथय् जक अथे ज्वनेगु ज्या जूगु खः। उगु गाडीया ड्राइभर मकवानपुरया २४ दै दुम्ह मनोज अधिकारीयात ज्वंगु दु। टाटाया स्टोडनायागु गाडीइ लुँ ज्वंगु खः। थुगु घटनाय् चिनीयाँ नागरिकया सल्लनता दु धकाः धाःगु दु। चिचीधंगु विस्कटु आकारया लुँ प्लास्टिक प्याक यानातःगु अवस्थाय् लुइकूगु खः। उकियात कया अनुसन्धान यानाच्वंगु दु। लुमंकेबहःजू छुं दिं न्ह्यः जक रसुवाया केरुङ व सिन्धुपाल्चोकया तातोपानी नाका जुया हःगु २२ किलो लुँ मध्ये १५ किलो ज्वंगु खः।

न्याम्ह...

नेवाः राष्ट्रिय पत्रकार दबूया केन्द्रीय नायः श्रीकृष्ण महर्जनया सभाध्यक्षताय् जूगु उगु ज्याइवलय् विशेषपाहाँ डा. जोशीपाखें पत्रकार दबूया “लुमन्ति पौ” नं विमोचन यानादीगु खः। ज्याइवलय् मूपाहाँ यैं महानगरपालिकाया प्रमुख विद्यासुन्दर शाक्य पत्रकारिता कोषया नितिं न्यागू लखतका ग्वाहालि बीगु बचं बियादीगु खः। अथेहे विशेष पाहाँलिसें संस्कृतिविद् डा. सत्यमोहन

जोशी, सूचना विभागया महानिर्देशक वीरबहादुर राई, नेपाल प्रेस काउन्सिलया दुजः शुभेच्छा विन्दु, मधेसी पत्रकार समाजया नायः मोहन सिंह, आदिवासी जनजाति पत्रकार महासंघया सचिव गजुरधन राई, नेपाल पत्रकार महासंघया सचिव रामप्रसाद दाहालपिन्सं प्रेस स्वतन्त्रताया अभ्यासया नितिं सञ्चारमाध्यम समावेशी जुयाः थीथी जातजाति व भाषाभाषीया सःयात थाय् बीमाःगु व मांभाषाया पत्रकारिताया विकासया नितिं राज्यं ध्यान बीमाःगु खँ न्ह्यथनादिसें पत्रकार दबूयात भिन्तुना देछानादीगु खः। अथेहे सम्मानित जुयादीपिं रमेशकाजी स्थापित, श्याम डंगोल ‘खोकना’, सल्लाहकार नापं नेपालभाषा टाइम्सया सम्पादक सुरेशकिरण मानन्धर, दातापिं सुरबहादुर श्रेष्ठ, भिक्षु कौण्डन्य, प्रा. प्रेमशान्ति तुलाधर, मोतिशान्ति तुलाधर, शोभा श्रेष्ठपिन्सं थःथःगु नुगःखँ तयादीगु खः। दबूया छयाञ्जे केके मानन्धरं न्ह्याकादीगु उगु ज्याइवलय् उपस्थित जुयादीपिंलिसें सकलसित न्वक् सुनील महर्जन लसकुस यानादीगु खः।

चर्याप्याखं प्रशिक्षण ज्याइवः क्वचाल



यैं । महिला तथा बालबालिका कल्याण सेवा समाज, यलया ग्वसालय् यशोधर महाविहार बुबहालय् न्ह्यानाच्वंगु चर्याप्याखं प्रशिक्षण ज्याइवः क्वचाःगु दु। यल महानगरपालिका अन्तरगत गरीबी उन्मुख शहरी पुनरुत्थान नमूना परियोजनाया ग्वाहाली न्ह्यानाच्वंगु उगु प्रशिक्षण ज्याइवः वंगु चैत्रनिसें खुलातक चर्याप्याखं प्रशिक्षण बीगु ज्या जूगु खः। प्याखंया गुरुपिं माइला गुरुजु, हेमरत्न बज्राचार्य व मीना जोशी प्रशिक्षण बियादीगु उगु ज्याइवलय् थ्यंमथ्यं ७०म्हेस्यां ब्वति कयादीगु खः। थ्वहे इवलय् “बज्रयानी चर्या गीत तथा नृत्य” सफूलसें चर्याप्याखं सम्बन्धित

वृत्तचित्र व चर्या म्येया सिडि नं बिमोचन जूगु खः। अथेहे प्रशिक्षण बियादीपिं गुरुपिं, प्रशिक्षार्थी व ग्वाहालि यानादीपिन्त सुभाय् पौलिसे दसिपौ नं लःल्हाःगु दु। संस्कृति संरक्षणलिसें चर्या प्याखंया ज्ञान न्ह्यु पुस्तायात हस्तातरण थायगु व नृत्य दक्षता विकास थायगु तातुनां थुगु प्रशिक्षण ज्याइवः याःगु संयोजक प्रेरणा बज्राचार्य जानकारी बियादीगु दु। जनमानसय् बोधिज्ञान प्रवाह थायगु विशुद्ध व सशक्त माध्यमकथं न्हापा बोधिसत्त्वपिन्सं चर्याम्ये व चर्याप्याखं छ्यलीगु व थुकिया न्हापाम्ह रचनाकार, संगीतकार व गायक महामञ्जुश्री खः धइगु जनविश्वास दु।

टिष्टुङ्गय् परम्परागत नेवाः बाजं लःल्हात

यैं । नेवाः मिडिया प्रा.लि.या संयोजन व टिष्टुङ्ग बज्रबाराही नेवाः पुचःलिसें रामलाल श्रेष्ठ स्मृति प्रतिष्ठानया सह-संयोजनय् जूगु छगू ज्याइवःया दथुइ मूपाहाँ नापं पुलांम्ह राज्यमन्त्री तीर्थराम डंगोलं थाहा नगरपालिकाया थीथी सांस्कृतिक पुचःयात परम्परागत नेवाः बाजं लःल्हाःगु दु। नेवाः मिडिया प्रा.लि.या नायः सन्तकुमार महर्जनया सभाध्यक्षताय् जूगु उगु ज्याइवलय् थाहा नगरपालिकाया टिष्टुङ्ग बाजं खलः, द्यःला बाजं खलः,

कोतननि बाजं खलः, कुन्छाल बाजं खलः, कपाली समाज, बौद्ध गुम्बा, लिलाखेल बाजं खलः, चित्लाङ्ग खलः, पालुङ्ग खलः व कुलगां बाजं खलः यानाः मुक्कं १०गू पुचःयात खिं, ताः, बौचा, झ्याम्ता, धाः व मायूलि बाजं लःल्हायगु ज्या जूगु खः। नेवाः कला व तजिलजियात संरक्षण व संबर्द्धन थायगु ज्याय् स्थानीय सांस्कृतिक पुचःयात ग्वाहालि जुइकथं थीथी दातापिन्सं यानादीगु छगू लख, न्यय्छ्दः व न्यासःतका बराबरया थुकथं परम्परागत नेवाः बाजं लःल्हायगु ज्या जूगु खः।

लसकुस! लसकुस!! लसकुस!!!

भासानिभा: प्रेम बहादुर कसा:या लुमंतिङ मद्रुह भासाप्रेमि, साहित्यकार व समाजसेवि
ई. मोहनकृष्ण डंगोल निइखना दिइगु

प्रेम-मोहन सिरपा

थुगुसिङ प्याखं विधाय लःल्हायेगु जुल ।

तिथि : ने.सं. ११३७ चंलागा सप्तमि, मंगलवा:
(२७ भाद्र २०७४)

थाय् : नेपा: ब्याक्वेट, जवगिंपा:ववय्
ई : सुथासिया ७:३०

प्रेम-मोहन सिरपा गुथि
चै, नेपा:



मिल्क
क्यान



क्रिम
सेपरेटर
मेशिन

**श्रेष्ठ ट्रेड मेडिया**

श्री लाल भवन, १३ टंकेश्वर (छाउनी जाने बिष्णुमति पुलसंगै)
काठमाडौं, फोन : ४२७०६८४/९८५१०८८९५२

A House of Dairy Equipment & Chemicals
साना डेरी उद्योग सञ्चालन गर्न आवश्यक प्राविधिक तथा आर्थिक सल्लाह

प्लेट चिलर

Email: laltc@wlink.com.np

माँ पुचःगोफल प्रा.लि.को

महिला क्याटरिङ्ग सेवा



शुभ बिवाह, ब्रतबन्ध, अन्नप्राशन, बान्हा भव्य, सभा, गोष्ठी, तालिम, पिकनीकहरूमा नास्ता, खाना, खाना, सम्येबजी, नेवारी भोज, बफे पार्टी तथा अन्य नेवारी परिकारहरू (योमरी, बारा, चतामरी, सगुन सेट) आवश्यक भएमा साथै हाफ क्याटरिङ्ग सेवा, भोज गर्ने ठाउँ सस्तो महेगो लगाएत महिला कुक चाहिएमा हामीलाई सम्झनुहोस् ।

सम्पर्क समय:
बिहान १० देखि ६ सम्म

माँ पुचः गोफल प्रा.लि.
फोन ४२६६३७७, ४२१२८४४

कुमारीपाटी फिटनेस सेन्टर

Kumaripati, Lalitpur | Tel: 01 5531537



Indra Shrestha
9841553856

हरेक दिन
जुम्बा एरोबिक



Rajesh Bajracharya
9841414511

आइतबार देखि शुक्रबारसम्म
विहान ६ बजेदेखि बेलुका ८ बजेसम्म
शनिबार विहान ६-११ बजेसम्म

Q&J DOUBLE ROAD

DOUBLE ROAD, KAPSEN, HAIDA
Brand या Radial टायर व
मोटरसाइकलया टायर नेपाःया बजारय्

साय्मि ट्रेडिङ्ग कम्पनी

फोन : ०१- ४२७१६०२, मोबाइल नं. : ९८५१०९२५५५, ९७४१०२७०८९, ईमेल : saymitradingco@gmail.com

फुक्कं कथंया
टायरय्
ग्यारेन्टी दु ।



छत्रपाटी निःशुल्क चिकित्सालय
२०१३

उपलब्ध सेवा

२४ सै घण्टा सेवा

- आकस्मिक सेवा
- प्याथोलोजी
- एक्स-रे
- ई.सि.जी.
- इको
- वासः पसः
- अन्तरंग सेवा

दीन, दुखी व असहायपिन्त निःशुल्क स्वास्थ्य सेवा प्रदान ।
दानी, सुखी व सम्पन्नयात सशुल्क स्वास्थ्य सेवा वरदान ॥

छत्रपाटी निःशुल्क चिकित्सालय (अस्पताल)

स्तरीय सुलभ स्वास्थ्य सेवा सकसिया निम्ति, असहायपिन्त जक निःशुल्क

शल्यक्रिया

- प्लाष्टिक सर्जरी
- मोतिबिन्दु
- जनरल सर्जरी
- न्हाय्प, न्हाय्, जापः
- हाड जोर्नी नशा
- पिसाव नलीया पत्थर बिना चिरफार

बहिरङ्ग सेवा

- मुटु लवय्
- प्वाःया लवय्
- युरोलोजी
- मिसा लवय्
- मचा लवय्
- वाया लवय्
- मिसा लवय्
- जनरल मेडिसिन
- चर्म तथा यौन लवय्
- न्हाय्प, न्हाय्, जापःया लवय्
- जनरल हेल्थ चेकअप
- थाइराइड व मधुमेह लवय्
- चिकित्सा मनोरोगविद परामर्शदाता सेवा

अन्य सेवा

- ड्रेसिङ्ग
- ईण्डोस्कोपी
- कोलोनोस्कोपी
- फिजियोथेरापी
- अल्ट्रासाउण्ड, कलर डप्लर व इको
- युरोपेली स्तरया दन्त प्रयोगशाला



**२४ घण्टा
ईमरजेन्सी सेवा**

७०८ गंगालाल मार्ग, छत्रपाटी, काठमाडौं, फोन : ४२१६१३८, ४२५७९११, ४२६६२२९, E-mail: cfclinic@mail.com.np, www.free-clinic.org.np